







S. VIII. 33.

THRENODIÆ

In

Præmaturum quidem at beatum obitum,

Viri Præstantissimi atq; Doctissimi,

Dn. MICHAELIS STÖBELOVII,

Inferioris Judicij Stetinenſis Advocati & Pro-
curatoris ſolertiſſimi, nec non Judicij Nau-
tici Notarij fideliffimi,

*Qui Natus anno æræ Chriſtiæ 1595. d. 5. Sept. De-
natus anno 1638. d. 4. Febr. h. i. noctur: 3 d. 9.*

*Febr: in Templo Jacobæo honorificè
ſepultus,*

Gratæ memoriæ, condolentiæ & con-
ſolationis ergo ſcriptæ.

STETINI, Typis GEORGII GOETSCHII.



Onsectum morbis & curis, Docte Michaël,
Te nova lux lunæ morti dat, sed nova Solis
Justitiæ exoriens lux reddet stamina vitæ,
Et lucis nunquam mortis mutanda tenebris.

avlogged. occupatissimus scribebat

C. Schultetus D.

IN medijs vitam tibi [proh dolor] eripit annis,
Mi MICHAEL vetus & suavis Amice, pbtibis.
Nam medicam vincit morbi veementia curam,
Ut, quum iterum Phœbo Cynthia juncta, cadas.
Hinc mœsta est Conjux, frater, materq; superstes,
Affinesq; tuos hinc dolor excruciat.
At vos Agnati luctum cobibete, nec Uxor
Indulge nimium fletibus & lacrymis.
Defuncto præstat gratari ex corde quietem,
Quâ fruitur celsâ latus in arce poli.
Nam non tabificos morbos timet amplius, omnes
Contemnitq; tuas Hæctica dira minas.
Evadit lernam, cœlum subeundo, malorum,
Natabusq; suis junctus & est Superis.
Et vos lagentes defuncto morte vicissim
Junget in æthereo vita beata polo.
Felices, bene qui decurso tramite vitæ,
Quod nos Optamus, jam super axe tenent.

gratz memoriæ & condolentiæ testandæ

ergo f.

post interlunium secundum hujus anni 1638.

Laurentius Eichstadius, Medic. D. & Physic9
Ordinarius in Stetino Vet. Pomer,

TAm subito videam tua funera mesta MICHAEL,
Devinctum affini Pectus amore mihi?
Hæc non sperassem, medijs currentibus annis
Vita, sperabam tempora longa fore.
Sed spes illa nimis citò me, proh fata! tefellit.
Ex hoc dum mundo funere merus abis
Verè Ego morte tuâ tristor, tristantur Amici:
Tristatur conjunx, totaq; nostra domus.
At quid tristemur? non nostræ tempora vitæ
Volvuntur casu, sed Deus ista regit,
Hic vitam repetit, repetenti cedere justum est:
Nam vitæ nostræ jus habet atq; necis.
Hic vitam in coelis fragilem meliore beabit,
Conspectu fruitur mens ubi læta DEI.
Gnata MARIA, annò veteri quam jure dolebas
Defunctam, nunc est viva reperta tibi:
In CHRISTI namq; Illa sinu latissima tecum
Vivit in æternos non moritura dies.
Nec mora longa, polo taratantara clauget ab alto,
Buccina, quæ bustis mortua membra ciet.
Corporibusq; animas jungat, vivosq; peremtis
Associans, CHRISTI nos vocet ante thronum.
Interea MICHAEL mihi dilectissime salve,
Perpetuum salve, perpetuumq; vale.

*Dilectissimo & desideratissimo suo Af-
fini ponit affinis maerissimus*

M. JACOBUS WINNEMER
ad D. Jacob. Diac.

Flliolum sequeris, STOBELLOVI, uxore relicta,
Hæc annon istà carior esse solet?

A 2

Inco-

*Incola sed caeli magis te trahit, atq; voluptas
In thalamo. Ipsa uxor vult quoq; pone sequi.
Et nos, cum DOMINUS jubet, illuc tendimus omnes.
O utinam dignos occupet Hora DEI!*

M. JOH. MICRÆLIUS.

EPITAPHIUM

*Dn. Michaëlis Stöbelovij, fratris mei
desideratissimi.*

Unicus hacce cubat frater Germanus in urna,
Cui subitâ vitam Parca severâ manu
Fregit, & (heu) tristi Matri reliquisq; propinquis
Æternum peperit cordolium & lachrymas.
Firma igitur speres tibi gaudia nulla viator
Est siquidem vanum, quicquid in orbe vides.

positum à

Johanne Stöbelovio, Past. in
Pommerensdorff / Scheuna etc.

Vita hominum brevis est, curarû mole gravata,
Quam morbis fractam mors inopina rapit!
Res ex Te loquitur, Stöblovi: Nam tibi curæ,
Curia quas peperit, Nautica quasq; domus,
Acceleraverunt morbos, sub flore virili
Quæis fractus mortis cuspide tactus obis.

Pro

*Pro curis requiem, pro morbis corpora sana,
Pro mortâ vitæ stamina longa trabis.
Ergò suspendat lacrimas cum conjuge Mater,
Quum tibi mors vitæ janua certa fiet.*

*Condolentiæ & consolatio-
nis ergo f.*

*M. Martinus Bambanius P. L.
& Sch. Sed: Sen: ConR.*

*S*iccine Stöblovi, Legum Themidosq; diserte
Cultor, succumbis funeris ante diem?
Lentivorax morbus te sensim viribus agris
Exuit, hinc mortis vis violenta rapit.
Protelare quidem potuissent stamina vitæ
Parcæ, sed parcunt more suo solito.
Ambiguo morbo nostrum luctatus uterq; est
pridem; tu primus morte peremptus obis!
Sic sæpe ambiguum, sic ad mortem mage pronum
Exire est lucta libera fata volunt.
Sed qui primus obis, charis subtractus amicis,
Me prior emeritus cœlica regna subis.
O utinam egisset Dominus simili vice mecum,
Dixissem mundo sponte lubensq; Vale.
Vivere namq; diu, nihil est nisi plura videre,
plura pati assidue, plura patrare mala.
Ah! quis præ ferijs optaret facta operari,
Mercedem expectans quæ nocitura animæ?
Verum, quâ frueris, requiem tibi gratulor, inter
Sanctos qui residens gaudia mille capis.

Deliciae profint, prosit mutatio grata
Nos & anhelantes opperiare; Vale.

*Dn. Amico & Vicino desideratiss.
ultimi honor. & recordat. e. app.*

Joannes Schulz Cant. S.S.S.

In exeqvias Dn. Michaelis Stöbelovij
Consanguinei mei desideratiss.

Juris qui Libros magno conamine voluit,
E Themidos stadiō cogitur ire sua.
Scilicet ad superam Michael Stöbelovius arcem
Caeli invisibilis fertur amore Dei.
Glorificare Deum perget concentibus altis
Ante thronum Christi, secula quousq; manent.

Jacobus Möllerus C. S. S.

Piè defuncto Dn. MICHAELI STÖBELOVIO,
Amico desideratissimo.

Non moritur, vitæ potius diadema perennis,
Qui CHRISTUM toto corde recepit, habet,
Et moribundus ovat felix expersq; malorum,
Amittens præter damna priora nihil.
Hinc non immerito Vir Consultissime, Vitæ
Gratamur reliqui de meliore Tibi,
Qui propiore tui nunc consuetudine CHRISTI
Gaudes, qui vivis, quiq; dolore cares,

Det

Er wird nicht durch den Todt/ den Menschen Graß/ver-
hönet/
Sondern lebt ewiglich/ vnd wird doert wol gekrönet/
Der fest an Christum gleubet/ vñ ihn im Hertze trägt/
Ist Seelig vñ voll Frewd wann Er sich schlaffē legt/
Vnd Ihm muß nichts mehr dann seine Noth entbrechen.
So thut man billig Euch nun einen Glückwunsch sprechen/
Das Ihr/ Herr Stöbelow/ bey Ewrem Herrn Christ
Schmerzlos vnd Freudenreich lebet zu aller freist.

Thomas Wismarus.

Seu fortuna favens vento impellente se-
cundo
Propositam cymbam ad littora tuta ve-
hat.

Sive Notho nimium fors indignante novercās
In scopulos rigidos naufraga transstra fe-
rat,

Seu nos ærumnis adversis fata fatigent,
Seu robur tentent prosperitate tuum,
Seu metuenda forent truculentæ spicula mor-
tis

Seu te deseruit Connubialis Amor
Æqualem quovis servato tempore mentem
Ceu stare æquali pondere libra solet

Stre-

Strenuus ut miles perge & luctare suborto
Cum luctu, invicto pectore vince malū,
Impavidum feriat sit quanta ruina tuorum
Pharmacon in coelis, quo recreeris, habes,
Sic mentem ornatam pietatis amore tueri
Assiduèq; preces continuare decet,
Namq; ita difficiles superabis in orbe furenti
Calles & mundi monstra verenda trucis
Donec suspendas in coelo Anathemata hono-
ris
Mortis ubi & Martis fracta phrenesis erit.

Ita solari voluit lugentes

Joach: Streckerus SSS. C.

FINIS.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

